

დამტკიცებულია თსუ-ს წარმომადგენლობითი საბჭოს
გადაწყვეტილებით (სხდომა №14, 2.07.2008);

წარმომადგენლობითი საბჭოს სპიკერი – კახაბერ ლორია

ივანე ჯავახიშვილის სახელობის თბილისის სახელმწიფო უნივერსიტეტის
აბიტურიენტთა მოსამზადებელი ცენტრის დებულება

მუხლი 1. ზოგადი დებულებანი

1. ივ. ჯავახიშვილის სახელობის თბილისის სახელმწიფო უნივერსიტეტის (შემდგომში - უნივერსიტეტი) აბიტურიენტთა მოსამზადებელი ცენტრი (შემდგომში - ცენტრი) წარმოადგენს უნივერსიტეტის დამხმარე სტრუქტურულ ერთეულს.
2. ცენტრი თავის საქმიანობაში ხელმძღვანელობს საქართველოს კანონებით, კანონქვემდებარე ნორმატიული აქტებით, უნივერსიტეტის წესდებით და წინამდებარე დებულებით.
3. ცენტრი თავისი კომპეტენციის ფარგლებში ანგარიშვალდებულია უნივერსიტეტის რექტორისა და ადმინისტრაციის ხელმძღვანელის წინაშე, ასრულებს კანონით გათვალისწინებულ, რექტორის და ადმინისტრაციის ხელმძღვანელის მიერ კანონის საფუძველზე დაკისრებულ მოვალეობებს.

მუხლი 2. ცენტრის საქმიანობის სფერო, ძირითადი ამოცანები და ფუნქციები

1. ცენტრის მეშვეობით უნივერსიტეტში ხორციელდება საქართველოს მოქალაქეებისა და უცხოელი აბიტურიენტების მომზადება უმაღლეს სასწავლებელში მისაღები ერთიანი ეროვნული გამოცდებისათვის.

2. ცენტრის მიზანია ერთიანი ეროვნული გამოცდებისათვის აბიტურიენტების მომზადება, სასწავლო პროცესის ორგანიზება, ხელმძღვანელობა, კოორდინაცია, კონტროლი და შედეგების შემოწმება.

3. ცენტრის ამოცანებს შეადგენს:

- ა) ერთიანი ეროვნული გამოცდების ფარგლებში დადგენილი საგნების სწავლების მეთოდების სრულყოფა, სასწავლო პროცესის გაუმჯობესებისათვის ღირეპტივების შემუშავება, მეცადინეობების სრულყოფილად ჩატარებისათვის ზედამხედველობის განხორციელება;
- ბ) სწავლების პროცესში აბიტურიენტების მიერ გაცდენაზე კონტროლი, მათი აკადემიური მოსწრების პერიოდული შემოწმება და აღნიშნული შედეგების მშობლებისათვის გაცნობა.

4. ცენტრის ფუნქციებია:

- ა) აბიტურიენტების ერთიანი ეროვნული მისაღები გამოცდებისათვის გათვალისწინებული სასწავლო პროცესის ეფექტურად წარმართვის უზრუნველყოფა;
- ბ) აბიტურიენტების მიღება, რეგისტრაცია, ჯგუფებში განაწილება ხელშეკრულებით დადგენილი წესების თანახმად;
- გ) მოქალაქეთა მიღება, აბიტურიენტების მიერ შემოსული განცხადებების და საჩივრების განხილვა;
- დ) ხელმოსაწერად წარსადგენი დოკუმენტების მომზადება;
- ე) ინფორმაციის გაცემა აბიტურიენტების მოსამზადებელ ცენტრში შემოსული დოკუმენტების შესრულებაზე.

5. ცენტრი ვალდებულია:

- ა) უზრუნველყოს სათანადო პირობებით სასწავლო პროცესის ხარისხიანად და ეფექტურად წარმართვა;
- ბ) უზრუნველყოს ხელმძღვანელობის მითითებებისა და დავალებების შესრულება და პედაგოგების შრომის საჭირო პირობების დაცვა;
- გ) შეადგინოს პედაგოგების დატვირთვებისა და აბიტურიენტების მეცადინეობების ცხრილი;

დ) აბიტურიენტებს გაუწიოს სამართლებრივი დახმარება ერთიანი ეროვნული მისაღები გამოცდებისათვის მზადების პროცესში.

მუხლი 3. ცენტრის სტრუქტურა და ხელმძღვანელობა

1. ცენტრი წარმოადგენს უნივერსიტეტის ორგანიზაციულ სტრუქტურულ რგოლს, რომელსაც ხელმძღვანელობს ცენტრის უფროსი.

2. ცენტრის უფროსს თანამდებობაზე ნიშნავს და ათავისუფლებს ადმინისტრაციის ხელმძღვანელი. ცენტრის უფროსის არყოფნის შემთხვევაში მის მოვალეობას ასრულებს უფროსი სპეციალისტი ადმინისტრაციის ხელმძღვანელთან შეთანხმებით.

3. ცენტრის საშტატო განრიგით განსაზღვრულია უფროსი სპეციალისტის შტატი, რომელსაც თანამდებობაზე ნიშნავს და ათავისუფლებს ადმინისტრაციის ხელმძღვანელი.

4. ცენტრის უფროსის უფლებებია:

ა) გადაანაწილოს მოვალეობები ცენტრის თანამშრომლებს შორის ადმინისტრაციის ხელმძღვანელის მიერ დამტკიცებული თანამდებობრივი ინსტრუქციის შესაბამისად, მისცეს მათ მითითებები და დავალებები;

ბ) შეამოწმოს მეცადინეობებზე პედაგოგებისა და აბიტურიენტების დასწრება;

გ) პედაგოგებისა და აბიტურიენტების მიერ მეცადინეობის არასაკატიოდ გაცდენის შემთხვევაში მხარეს ჩამოართვას წერილობითი ახსნა-განმარტება;

დ) უნივერსიტეტის ადმინისტრაციის ხელმძღვანელობას წარუდგინოს წინადადებები პედაგოგების დანიშვნის, დათხოვნის, წახალისების, დისციპლინური და მატერიალური პასუხისმგებლობის შესახებ.

ე) მოსთხოვოს პედაგოგებს საგნების მიხედვით სილაბუსების შედგენა, შუალედური და ფინალური გამოცდების შედეგები.

ვ) საქართველოს კანონმდებლობით დადგენილ ფარგლებში, დაკისრებული ფუნქციებისა და ამოცანების შესრულების მიზნით განახორციელოს სხვა უფლებამოსილებანი თავისი კომპეტენციის ფარგლებში.

მუხლი 4. ცენტრის რეორგანიზაცია და ლიკვიდაცია

ცენტრის რეორგანიზაცია ან ლიკვიდაცია ხორციელდება საქართველოს კანონმდებლობით დადგენილი წესით.

მუხლი 5. დებულებაში ცვლილებებისა და დამატებების შეტანის წესი

ცენტრის დებულებაში ცვლილებებისა და დამატებების შეტანა ხორციელდება კანონმდებლობით დადგენილი წესით.